

## نصيحة لمن يقول : (يارب أموت وارتاح)

شريف علي

السلام عليكم. بسم الله والحمد لله والصلاة والسلام على رسول الله. كثير من الناس في وقت البلاء وفي وقت المصيبة يبدعي على نفسه بالموت. يقول يا رب خدني. يا رب اموت وارتاح. الواحد زهق من الدنيا. يعني ام مسلا في البيت. عيالها مزعلينها تدعي على -

[00:00:00](#)

يا رب اموت وارتاح واغور من وشكم. وده غالبا يعني ايه في في اغلب البيوت يعني. دائما ايه ممكن كثير منا سمع الدعوة دي من آآ من الام. في البخاري ومسلم عن انس بن مالك رضي الله عنه قال قال رسول الله صلى الله عليه وسلم لا يتمنين - [00:00:16](#)

ان احدكم الموت لضر اصابه او لضر نزل به. فان كان لا بد فاعلا فليقل اللهم احيني ما كانت الحياة خيرا لي وتوفني اذا كانت الوفاة خيرا لي. يعني النبي عليه الصلاة والسلام بيعلما ان احنا في وقت المصيبة - [00:00:35](#)

او مش على اتفه الاسباب ان احنا ندعي ونتمنى الموت. فييقول عليه الصلاة والسلام لا يتمنين احدكم الموت لضر اصابه او يضر نزل به. اصل انت تصبر وتستعين بالله. تفتكر سواب الصبر. وتقول انا لله وانا اليه راجعون. وممكن تفكر في حكمة ربنا - [00:00:52](#)

امن البلاء ده ممكن تكون المصيبة اللي نزلت عليك دي علشان زنب انت محتاج تتوب منه او تكفير لسينات او ان ربنا بيرفع درجات العبد. فالنبي عليه الصلاة والسلام بيقول مش اول لما تنزل عليك مصيبة تقول يا رب - [00:01:12](#)

خدني. يا رب انا زهقت من الدنيا. امتي الواحد يموت ويرتاح ليه لان مين قال ان لو مت على الحال ده هرتاح. انت ايه اللي عرفك؟ فالمفروض ان انت ترجع الامر لربنا سبحانه وتعالى. فيقول ايه - [00:01:26](#)

فان كان لابد فاعلا يعني لو كان بلاء شديد جدا مثلا خايف على فتنة في الدين. او بلاء شديد جدا بحيس ان هو ما حدش مستحمل هو عايز يدعي ان كان لابد فاعلا فليقل. ما يقولش يا رب خدني لأ فليقل - [00:01:40](#)

اللهم احيني ما كانت الحياة خيرا لي وتوفني اذا كانت الوفاة خيرا فيقول اللهم احيني ما كانت الحياة خيرا لي. يعني انت اما واحد من اتنين. يعني اما ان انت محسن - [00:01:57](#)

واما ان انت مسيء لو انت محسن فالحياة لما ربنا سبحانه وتعالى يطول في عمرك وبيبارك في عمرك وتزداد من الاحسان ده يكون لك خير. لان انت الحسنات بتاعتك تزيد - [00:02:12](#)

وربنا سبحانه وتعالى يرفع الدرجة بتاعتك في الاخرة وربنا يرضى عنك بالطاعة بتاعتك. فيكون هنا الحياة خير لك. لان انت زودت في الحسنات بتاعتك. طيب لو حد مسيء وهو بيقول يا رب خدني يا رب اموت وارتاحت؟ طب انت لو مت وانت

مسيء يبقى عندك مشكلة. فانت هنا بتقول ايه؟ اللهم احيني ما كانت الحياة خيرا - [00:02:26](#)

ده انا ممكن اكون مسيء ولما ربنا سبحانه وتعالى يمد في عمري يبقى عندي فرصة ان انا استعنت ان انا اتوب ان انا استغفر من الزنوب بتاعتي ان انا اعمل اعمال صالحة - [00:02:48](#)

فصلح الحال بتاعي. فبتقول ايه؟ اللهم احيني ما كانت الحياة خيرا لي وتوفني اذا كانت الوفاة خيرا. الادب مع ربنا سبحانه وتعالى. ربنا يجعلنا واياكم ممن يستمعون القول فيتبعون احسنه. عايزين الامهات واه واه والناس الطيبين اللي بتسمعنا - [00:02:58](#)

لما تقع في مشكلة لما تقع في مصيبة تصبر تطمئن تسكن تدعي ربنا يعينك لا تتمنى الموت اما ان انت تكون محسن فتزداد في الاحسان واما ان انت تكون مسيء فترجع لربنا سبحانه وتعالى وتستغفر وتتوب وتصلح الاساءة بتاعتك. جزاكم الله خيرا والسلام

عليكم ورحمة الله وبركاته - [00:03:18](#)